

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj:35/05), te na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama Bosne i Hercegovine (“Službeni glasnik BiH”, broj: 39/14) i Izvještaja Komisije za provođenje postupka izbora najpovoljnijeg ponuđača za pružanje usluga izrade Plana interventnih mjera u slučajevima prekomjernog zagađenja zraka u Bosansko-podrinjskom kantonu Goražde, broj: 09-23-337-4/17 od 01.08.2017. godine, Ministarstvo za urbanizam, prostorno uređenje i zaštitu okoline Bosansko-podrinjskog kantona Goražde, **d o n o s i:**

O D L U K U **o izboru najpovoljnijeg ponuđača**

Član 1.

Ovom Odlukom za pružanje usluga izrade Plana interventnih mjera u slučajevima prekomjernog zagađenja zraka u Bosansko-podrinjskom kantonu Goražde kao najpovoljnija prihvata se ponuda zaprimljena pod brojem: 09-23-386/17 od 31.07.2017. godine, koju je dostavio ponuđač “**ENOVA**” d.o.o. Sarajevo, ul. Podgaj 14/1 Sarajevo sa ponuđenom cijenom od 5.000,00 KM u koju je uračunat PDV.

Član 2.

Sredstva iz člana 1. ove odluke obezbjedit će se iz budžeta Ministarstva za urbanizam, prostorno uređenje i zaštitu okoline Bosansko-podrinjskog kantona Goražde sa ekonomskog koda 821500- Nabavka stalnih sredstava u obliku prava- Podračun za zaštitu okoline.

Član 3.

Prijedlog Ugovora o izradi Plana interventnih mjera u slučajevima prekomjernog zagađenja zraka u Bosansko-podrinjskom kantonu Goražde dostaviće se na potpis izabranom ponuđaču “**ENOVA**” d.o.o. Sarajevo najkasnije u roku od 7 dana od dana okončanja postupka javne nabavke.

Član 4.

Ova Odluka objaviće se na web stranici: www.mu.bpkg.gov.ba, istovremeno sa upućivanjem Odluke ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama u BiH.

Član 5.

Ova Odluka stupa na snagu danom njene objave na službenoj oglasnoj ploči Bosansko-podrinjskog kantona Goražde, a naknadno će biti objavljena u Službenim novinama Bosansko-podrinjskog kantona Goražde.

BOSANSKO-PODRINJSKI KANTON GORAŽDE
MINISTARSTVO ZA URBANIZAM,
PROSTORNO UREĐENJE I ZAŠTITU
OKOLINE BPK-a GORAŽDE

MINISTAR

Slobodan Janković dipl.ing.građ.

Broj: 09-23-337-6/17
Goražde, 02.08.2017. godine

O b r a z l o ž e n j e

Pravni osnov

Pravni osnov za donošenje ove Odluke proizilazi iz člana 33. Zakona o zaštiti okoliša („Službene novine Bosansko-podrinjskog kantona Goražde“, broj: 5/05, 11/10 i 8/11) kojim je definisano da se zaštita i unapređenje okoliša provodi, između ostalog, i planovima interveniranja u zaštiti okoline. Izrada Plana interventnih mjera u slučajevima prekomjernog zagađenja zraka u BPK Goražde u skladu je sa Strateškim ciljem 2. Upravljanje kvalitetom zraka Kantonalnog akcionog plana za zaštitu okoliša (KEAP) BPK-a Goražde za period 2016.-2022. godina i Prioritetnim ciljem 1. (Osigurati efikasnu uspostavu i instrumente implementacije mjera zaštite okoliša i očuvanja prirode) u okviru Strateškog cilja 3. (Osigurati održivo upravljanje okolišem i prirodnim resursima, te jačati komunalne infrastrukturne kapacitete u Kantonu) Strategije razvoja BPK-a Goražde za period 2016.-2020. godina, te se u skladu sa tim i donosi ova Odluka.

Razlozi za donošenje Odluke

U cilju praćenja i upravljanja kvalitetom zraka potrebno je izraditi i usvojiti Plan interventnih mjera u slučajevima prekomjernog zagađenja zraka u BPK Goražde. Programom rada Ministarstva za 2017. godinu planirana je izrada ovog Plana kao jedna od mjera za provođenje Akcionog plana KEAP-a, kako bi se moglo provoditi planiranje kvaliteta zraka.

Finansijska sredstva

Sredstva potrebna za realizaciju ove Odluke obezbjeđena su u Budžetu Ministarstva za urbanizam, prostorno uređenje i zaštitu okoline BPK-a Goražde za 2017. godinu na ekonomskom kodu 821 500 – Nabavka stalnih sredstava u obliku prava sa Podračuna za zaštitu okoline BPK-a Goražde, a u skladu sa Planom utroška namjenskih sredstava Ministarstva za 2017. godinu, broj: 09-14-253-2/17 od 01.06.2017. godine.

Očekivani efekti

Izradom Plana interventnih mjera u slučajevima prekomjernog zagađenja zraka u BPK Goražde stvoriće se uslovi za upravljanje kvalitetom zraka, odnosno planiranje kvaliteta zraka u cilju zaštite i unapređenja okoliša.